

尹文端公詩集

尹文端公詩集卷第十

章佳尹繼善元集

恭和

御製即事示直隸總督方觀承及屬吏元韻

田間野老望

華蕤問俗時聞

帝曰咨行慶

恩教三輔遍屢豐頌洽萬邦綏愛民自古應無比勤政
從來鮮若斯更進臣工申

告戒惟斯共勉莫忘之

恭和

御製聞京師得雨誌懷元韻

今歲雨澤調京畿尤沾渥遠黛如髻繁林花似洗濯匪
惟潤田苗並以消蒸煏方岳飛章來雨暘盡時若一隅
被偏災

聖心費籌酌

湖南常德府屬被水
上命撫臣加意賑卹

恐疎畧塞外少溪河耕耘半山塢霰霰偶愆期已過七
月朔幸值

翠華臨甘澍隨車落禾黍漸登場樂民之所樂

恭和

御製灤陽別墅元韻

何年成別墅一徑入雲深
虛室風生座高秋月滿
林山明呈畫卷水急響琴音
歲歲

遊觀地

揮毫動朗吟

恭和

御製至避暑山莊即事元韻

玉輦初臨放好晴祥雲出岫早來迎千山翠色宜朝爽
四野歡聲見衆情縱有池亭供

眺覽時於場圃望充盈

熱河雨澤

暑少

敬思四十年前

事

祖德難忘本

至誠

恭和

御製永佑寺瞻禮

神御紀事元韻

聖聖相承統緒垂

音容奕禩切追思日新

盛德堪繩

武宥密

純修咏緝熙自是

勲華能繼述寧惟臺沼永留貽香拈法界頻

瞻禮如見羹牆即在斯

恭和

御製有真意軒元韻

勝地荷

來游松陰聊小憇
胞與本同仁一物未忍忽

念彼肩輿勞暫今
息疲弊溪山有定形
風景原殊致猶存
太古風點綴不求
備有竹復有松宜
雨亦宜霽隨處見
天真

命名有深意

恭和

御製晚晴元韻

灑窻聲止斜陽澹
荷笠人稀野望寬
晚景乍含烟樹迥

餘霞欲散碧峯寒遙知秋意生平楚漸覺泉流靜細瀾
郊外晴光收積潦山呈翠旦迓

慈鑾

恭和

御製出麗正門恭迎

皇太后元韻

慈幃依戀切不憚路迢迢雨過塵初淨風微暑漸消
安勤夙駕視膳待親調

孝治超前古承

歡本法堯

恭和

御製泛月元韻

碧水月臨初秋來亦淨於穀紋隨槩細林影過窻徐遠
火明

仙墅迴峯浸露藻光隨歸櫂滿勝概十洲如

恭和

御製山田元韻

宜雨復宜晴何以慰民望時時厓

聖懷咨詢悉情狀塞上山田多地勢頗高亢甘霖得屢
霑千村已歡暢擊壤聽農歌荷鍤走丁壯禾黍漸芄芄
四野金風颭大吏報豐亨所言慮未當苑外遍
覽觀

省歲頗稍償呦呦萬壑聲佇看秋園放

恭和

御製荷花元韻

也解迎

鑒次第開淡紅蜀錦似新裁愛渠幾里清香遠嘉種翻

老學庵筆記
卷之五
五
從塞外來

如意洲邊無點塵
臨流駐馬悟前因
芙蓉世上知多少
內苑看花有幾人

恭和

御製塞垣元韻

塞垣迤邐傍巖阿
此日經臨引興多
仙界峒堯紫島嶼
山田錯落枕溪河
霜林秋老楓將冷
邊地風高雁正過
聖主關心惟納稼
停驂時問歲如何

恭和

御製秀起堂元韻

好山羅列似爭奇時見閒雲嶺上披
堂冠中峰因地迥秀鍾西峪豈人為
長林雨過彌添翠細草風來亦有姿
一室廻環多勝槩靜觀自得復誰知

恭和

御製貯雲簷元韻

青山來屋裏貯得滿窻雲能作三時雨
還成五色文隨風常飄颻入夜受氤氲
渥澤沾濡後農田處處耘

恭和

御製梅檀林元韻四首

風

浩氣吹噓仰大鈞無形何處問緣因春風只在秋風裏
默契真詮有幾人

雲

精藍高聳半天樓樹杪遙瞻五色浮誰道無心閒出岫
從龍總傍碧峯遊

松

自有濤聲來萬壑孤清不藉好風吹漫言春日無顏色

試看天寒雪落時

楓

曾幾何時葉已丹恍如霞彩在雲端
縱云坐愛霜林晚未必春花果一般

恭和

御製待鹿元韻

幾暇林園時往來呦鳴多在山之隈
山隈有鹿似文園園中有松似徂徠
上有洞天下福地我

皇待鹿坐蒼翠或羣或友任優游
此中原自有真意伏

者攸伏走者走或在松前或松後所食豈惟華與蒿仙
芝應為此山有靜觀之樂樂如何太平萬物盡熙和還
看雙雙白鳥出疑似臺畔聽經鶯

恭和

御製八月朔日元韻

剝棗幽風舊

山莊令節愛中天秋欲半新月桂初榮海值

添籌候

是日為
壽聖節

萬

農傳擊壤聲西成欣有象刈獲

趁郊晴

恭和

御製意行元韻

山徑何須駕

葆輿斜陽緩步自如如
隨風葉落添秋意出岫雲飛過
碧虛偶向亭邊招舞鶴還從池上玩游魚
幾閒不減清吟興恰有黃花映玉除

恭和

御製山卉元韻

百卉爭春各自芳
盡誇魏紫與姚黃
誰知細草環山秀

別有幽花滿澗香清擬蕙蘭搖素影淡如禾黍發清蔭
一從

鑾輅經過後歲歲均霑玉露瀼

恭和

御製大學士尹繼善隨園請詩走筆成什調之元韻
秋園雨後正和風白首橐鞬傍

玉驄雕羽乍騰千樹裏蒼廩連獲萬山中穿楊有恭空
馳馬負弩無才學執弓列隊名藩齊竹舞多能

天縱復誰同

恭和

御製行園二首前章即景後章即事元韻

獵騎凌晨繞翠微
秋深景色暢天機
平原草綠莎為毯
曲磴苔斑石有衣
遠樹經霜林欲瘦
野苹著雨廐初肥
岡頭立馬渾如畫
一望蒼烟幕四圍

晴靄初生遠黛微
穿林連中妙

神機槍排虎穴風
生岫草沒霜蹄
露滿衣七校頻分泉
府

賜千官屢飲大庖肥
由來武備傳秋獮
不惜先勞式九

園

扈從

避暑山莊感

恩紀事恭賦

塞上峯青霽景鮮
重來正值早秋天

山莊記得曾陪宴
彈指光陰十二年

曾誇白下有卷阿

江南攝山
御題白下卷阿

紀勝留題

睿藻多山色松濤猶入夢
此間風景更如何

蓬瀛深處許從遊
點點芙蕖引

御舟錦纜徐牽明鏡裏清香不斷綠陰稠曾侍舟至如意洲御

白鹿泉邊夕照樓曾聞彷彿此清幽江南樓霞宮有日夕佳小樓行

似惠迪吉而今得入方壺裏不向棲霞憶舊遊

高下亭臺倚翠螺凝眸西望樹尤多西有萬樹園綠陰深處

紅塵少曲徑時時見鹿過

講武承平示典型

特教圖寫付丹青哀幸見獵心彌喜未得隨班入畫屏

殿壁張木蘭圖
瞻閱寔深欣羨

宮牆數仞入門難體恤

思深得一觀多少林巒探未遍又從堤外促歸鞍

公餘退食正風涼荔子瓶開滿院香嶺嶠一年來一度

白頭能得幾回嘗

蒙賜荔枝

沐

恩紀事恭成十二首

霓旌動處武維揚猛士聲喧共陟岡信是

天威能遠播道旁拜舞盡名王

萬騎歡騰繞

王驄駕駘有興亦嘶風冰兢一路防顛仆時在

天顏顧盼中

行圍四面宛如牆暫歇

金鞍坐曉涼得鹿燔柴先告祭

圍中得鹿先祭山神

近臣拜

賜共分嘗

從心應手共稱奇下馬旋催和

御詩試問詞臣與猛將

乃文乃武孰能師

遼東猶記嘗隨獵五十餘年竟未曾

指示開弓

親駐馬偶然倖中豈臣能

射到疲魔已可慚况容矢發再而三那知帶箭還馳去
老不如人一笑堪

鞭絲直上撥雲開林外聲聞兩翼催

顧問登山還懼否垂憐真似護嬰孩

飛鎗百步信如神殪虎橫拖嶺上陳時向貔貅申

告戒恐教輕進或傷人

獸中猛力數封熊與鹿同遊傍石叢共訝神鎗聲震處

一齊應響殪林中

上施神鎗
中熊並一中鹿

麋鹿羣殷望澤情奔騰四野向人鳴得蒙一面開

仁網豐草長林獲再生

園中園鹿過多
令開一面放之

上

收圍行殿集藩王四面雲開翠幕張樂奏清平頒

厚賞同聲忭舞慶重陽

重陽
清平調

賜宴演李白
賞齊諸藩

一路西風馬上催年衰何幸此番來

賜腥

賜食

恩難數並得雲山飽看回

和過古北口遇雨馬上偶成元韻

四望野雲低濛濛眼欲迷風涼將近塞道古自成蹊此
日吟秋雨何年認雪泥長途時並馬竭蹶倩招攜

連日蒙

恩侍宴從游用瑤華主人韻並柬同人

精誠通法界大地盡蒙庥

時於普寧寺誦經

日麗千峯翠風寒

萬樹秋泉聲飛白雪

山莊內有千尺雪

塔影繞

朱旂齒老叨隨獵才疎忝惠疇

作歌霏玉屑

揮翰仰銀鈎

洒

賜宴時揮

宸翰

回憶江南境可能似此游

和塞原夜坐韻

何處覺淒其川原欲暮時
天空雲去杳山近月來遲
古澗秋添水微風夜入旗
退思頻自省此意復誰知

和奉碩亭閣學寄懷都門友人韻

鞭絲拂樹露華稀一望烟嵐接

帝畿驛路塵清吟曉月邊城暑退著寒衣
馬嘶峻嶺穿雲上雁背西風入塞飛
千里同心相憶否停驂依舊傍書幃

盡云塞上難消遣攬勝誰知好景兼
老眼看山疑展畫

輕雲掩月似垂簾菊將佐酒杯同把雨慣催詩韻自拈
更樂西成歌大有村邨婦子正腰鑣

孫補山侍讀因遇廬湫隘作詩自遣漫和二首慰
之

恍如旅店任紛投到處晴光豁倦眸自有青山來屋裏
何妨蕪草滿牆頭桂梁杏柱誰非客蝸舍蛙居莫感秋
更贈一言堪慰藉家貧只當住扁舟

柴門斜對斷橋開聞積飛塵似燭煤巢築君應同社燕
枝棲我亦類陶坏牛衣憶舊添吟咏

原唱有猶記牛
衣卧草萊句 陋

巷衝泥怯往來究是鳳凰池上客卜居猶得近蓬萊

密雲道中贈少宗伯劉圃三即用圃三與學士李
蕙衣武闌唱和韻

瑤章擲地總金聲池畔聯吟憶石城兩世墳簾均入籠

合家喬梓並馳名

圃三同繩菴兄弟父
子五人均列門牆

南邦造士春風

溥棘院衡才玉尺平料得同心商校日更深坐對一燈

明

送圃三返都門仍用前韻

尊前纔喜聽吟聲旋返征軺向

帝城雁叫寒雲應憶侶詩留野館自題名看山紅樹霜
初染策馬長橋水正平記取更深分手處踈星幾點月
華明

和袁子才冬日寄懷韻

楓林紅葉帶霜飛記得江干送馬蹄歌到離亭聲斷續
人分淮浦影東西年來夜雨添新夢畫裏青山憶舊題
臨別為子才題 千里相思君識否斜陽滿樹暮雲低
烟雲如意圖

林園拜

賜仰

皇情愧我年衰列上卿廿載風花看幾度三春桃李喜
重生山連蓬島峯還翠池接昆湖水更清縱有詩篇忙
裏得那如把酒韻同賡

又和袁子才見寄

濶別無由共講幃舊遊回首夢依依霜明江岸楓初落
雲掩松扉鶴自歸白下故人千里隔倉山烟樹一年違
那堪不繫舟中坐極目南天雁影飛

書不繫
舟額

數椽仍懸
賜園內新構
御

和張有堂

賜禁城騎馬紀

恩詩韻

任重司邦禮依然翰墨臣講幃同作侶友誼更相親屢
沐

殊恩錫應忘白髮新

鳳城容攬轡哀步免遲巡

回憶窮經日蓉湖水一涯花磚新玉勒雲徑舊芒鞋

天意頻優老臣心敢乞骸多情隆保傅先贈紫蹄騮皇

子贈有
堂良馬

愧我叨

恩久連鑣亦老翁相期全晚節無力答

宸衷袖帶香烟暖鞭垂夕照紅識途多駿馬駕鈍可能同

待漏天將曙和鑾聽有聲踏來冰鏡冷嘶向月華清頓減蹒跚態還添顧盼情歸鞍連得句遭際感生平

長至前一日往宿

郊壇馬上和陳勾山銀臺病中乞假韻

白頭頗似杜陵翁牛鬪從來患耳聰笑我衰軀眠夜月

時余亦感風寒憐君短榻卧霜風身違

禁苑心猶戀石藉他山玉待攻捧得新章何處和吟鞭
半在夕陽中

新正二日偶成即用三兒慶玉除夕韻

圍爐仍是舊青氊老去何能見物遷歲序重新纔兩日
古稀已過又三年勞心家計原無謂到眼唐花也自然
喜得兒孫環笑語坐聽更漏每遲眠

前路茫茫那得知閒情何必費尋思入歌舊臘將殘夜
我愛芳春欲到時隨遇而安忙亦樂逢場作戲老彌癡

年來剩有吟哦興
陰韻紛投總不辭

恭和

御製上元後一日小宴廷臣元韻

憶對

彤廷句共聯傳柑又幸侍華筵
陽回太液冰初解曲入虞絃氣已宣
喜聽露斯歌湛湛佇看蟄動蠋蛸蛸
普天燈映蟾光滿遠勝秋中素影圓

稽首瑤階獻

御醪班隨鴛鴦愧分曹春風纔見舒
梅蕊瑞雪還期潤

土膏萬點星輝連火樹千層燦翠照金鰲共欣令節同
民樂誰識祈年

睿慮勞

再和前韻

行分左右肅班聯白髮頻叨侍

御筵溫室花多香正繞屏山春滿筆難宣人登繩索如
猿挂燈舞魚龍似蟄蛭已過元宵何足戀冰輪無月不

團圓

和風拂處酌仙醪

錫予駢蕃遍列曹望雪先聽歌白雪被膏恍似飫春膏
萬年甲子排金字舞燈作字有四面湖山入綵鼇徵角
聲中頻

告誠克艱切莫憚勤勞

祝岳蕉園八十

依舊吟詩度好春

蕉園詩有且自吟詩度好春句

漫因興懶負良辰世

間清福輸高士天上名星讓老人野鶴孤雲誰是伴蒼
松古柏自相親一杯持贈無他祝祇願看花歲歲新

蕉園八十昨已有詩賀祝因念白頭老友落落晨

星感舊言情不能自己復於燈下成詩以贈

曾錫名章祝古稀久無麗句報珠璣回思白社人都少
閒話秦遊夢已非寒夜敲門前約爽青燈把酒素心違
期頤他日還相慶老友扶筇又駐驂

偶成二律贈劉延清相國

何須膠漆始相親別有風規邁等倫舊共西曹儕輩少
近依東閣笑言新如霜鬢髮華逾短似水心情淡更真
領袖清班常矍鑠篋中筆硯總隨身

品望於今似者稀寧惟文字重珠璣明刑自見昭平允

友直方知別是非馬齒空慚年較長鹿鳴回首夢全違
丁酉同譜迄今垂五十年每從退食歸鞭早柳外花邊喜並駢

園內偶成柬畢秋帆宮庶

素于老圃性相親漫謂平泉可比倫過眼風光都是幻
怡情桃柳又重新池剗數畝清而曲山到多年假亦真
日夕攜筇閒領畧還將少有省吾身

竹几當窓點綴稀詩箋滿壁燦瑤璣亭臺已自分新舊
賓主何須辨是非種樹無心皆漸長看花有韻未曾違
扣門何日來相訪每向橋邊一駐駢

遊香山古寺漫成二律用前韻

每逢邱壑便相親，況有精藍迴絕倫。
活水穿林明鏡繞，青松入戶彩屏新。
人添華髮遊偏懶，山帶斜陽景倍真。
回憶當年曾過此，笑予亦似再來身。

寶相莊嚴世所稀，朱甍碧瓦燦瓊璣。
何時松柏渾難問，

誰氏林園半已非。

山中寺宇皆前明園林舊址

雲外新莊三日住

時宿

北新莊

夢中舊迹卅年違，於今更覺吟情減。
愧許從遊傍

御駢

恭和

御製題金廷標仿陳容九龍圖元韻

神物昭昭仰碧翁毫端遊戲見靈通誰為天矯摹真蹟
頓覺之而動遠空潑墨渾如風雨致象形寧祇畫圖工
後先輝映三三數總在乾元一氣中

恭和

御製紫泉行宮六詠

敬軒

石上潺潺引細泉停驂瞻眺想當年
云不似江南景綠水長橋竟宛然

三年前臣入都
過此曾經瞻仰誰

鏡湖

似鏡非因具體圓菱波澹澹接長川空明一片玻璃影
靜裏虛涵萬象全

舫室

似舫齋如天半浮未能鼓棹一從遊明朝得到瀛洲路
萬頃湖光入綵舟

虹橋

和風搖曳柳絲長柳下橋橫飲練光欲問丹青誰得似
望中烟景是元章

竹埭

清高不傍百花叢一埭琅玕動晚風不是中虛蕪外直
那能翠影自凌空

箭亭

多能

天縱實空前常見雕弓座右懸猶憶山頭連射鹿諸藩
拜舞盡歡然

恭和

御製水緯元韻

烟靄遙村樹有無小舟引縴似西湖波搖畫槳翩翩雨
風送輕帆浩浩乎遠淀分行排雁翅長繩帶影拂魚鬚
衢歌漁唱聲相應老者環觀少者扶

舟中即事

誰云名勝北方無翠映晴空綠滿湖畫港魚來何處也
雷峯塔亦在斯乎愛看柳色舒青眼怕對春光撚白鬚
每到斜陽船泊後蹣跚步履倩人扶

南苑夜坐與雙有亭話舊

又到春光及半時和風披拂日遲遲無邊花柳重經眼

已過雲山尚繫思感舊記傾前歲酒多情愛誦故人詩
三年一度成佳會笑口難逢概可知

鳴珂入直指踈星

南苑追陪亦暫停過我時偕新伴侶

時與孫補山侍講嚴東有舍人同至

招君尚有好園亭興酣不覺鬚同白交久方知眼倍青
屏障生輝期鉅手何辭片刻出郊坰

贈勵自牧洗馬

通家世好想當時所惜同君握手遲
轆轤車聲橋外路惜騰花氣夢中思

尊翁先生舊詩有花氣惜騰春
苑樹車聲轆轤御河橋之句攜來

畫卷成陳迹

尊翁贈余詩
畫至今尚在

歸去田園憶舊詩

舊詩又有
陶令歸來

酒正 香句回首故交寥落甚又從傾蓋訂新知

長河幾曲浸春星塵外遊鞭記共停唱和重添新翰藻

招尋難問舊園亭

聞舊宅久
已無存

花經細雨香初遠山帶斜

陽色尚青同返都門仍濶別那能無夢憶郊垞

南苑話舊賦贈同事諸公

長林獵罷晚歸時笑我駑駘返轡遲勝會難逢誰領略
韶光過去枉追思春深景物都如畫道合交情豈在詩
南苑公餘頻聚首挑燈話舊幾相知

途中與錢稼軒司寇夜話漫成

淀水馳驅屢戴星
歸鞍又喜暫時停
歌傳舊雨兼新雨
路繞長亭更短亭
把酒時邀新月白
揮毫常見遠峯青
不因

扈從多餘暇
那得閒遊到野坰

德壽寺看花過
觀補亭總憲行
館與諸同人小酌
正是和風滿樹時
尋芳猶惜看花遲
繞逢嫩蕊邀心賞
早覺飛紅入夢思
斜日幾人同對酒
衰年故態慣催詩
座中若問誰賓主
形迹全忘那得知

觀補亭過訪賦贈

南邦猶記仰文星
舟返吳門許暫停
細雨三更傾別酒

新歌幾度寄郵亭

補亭阻風金山曾由驛寄詩唱和

時逢秋水連天碧

可憶金山照眼青
識得光陰真過客
應留手蹟在林垌

南苑即事和陳勾山銀臺假宿村寺韻

韶光最好夕陽西
嫩柳枝垂綠滿堤
馬騁岡頭驚伏鹿

鷹揚雲表落飛鷺
衰年見獵心空喜
野寺尋幽路欲迷

目望遙山徒仰止
更從何處覓丹梯

雲影橫空雁影低
長橋日日響輪蹄
新花色豔香初遠

老樹枝虬翠未齊屢愧敲詩酬白雪怕聽催曉唱黃雞
招呼小集非因酒喜雨何妨踏錦泥

南苑公餘邀同事諸公小集次日至德壽寺看花更深
歸寓和劉圃三少司空賦贈韻

暢敘寧論約有無意行隨處飫郇厨纔思答謝賓先到
不待歸謀酒已酤應候和風飄嫩柳迎眸綠色綴平蕪
陽春雖去原非遠召我依然景未殊

橋外精藍戶半扃柝聲夜靜語風鈴衙分新舊三句住
海列東西幾度經轉瞬仍尋春苑路抽閒可過晚香亭

還期雅會常相續
落落休教似曉星

德壽寺牡丹盛開諸同人花下小集
皇四子聞

而賦詩謹次元韻

漫謂衰年清興減
尚餘腰腳力堪勝
拈花未解無生諦
說偈空慚最上乘
每見芳菲迎過客
翻憐姚魏對枯僧
殿春尚有豐臺藥
笑指紅塵謝不能

公餘把臂喜同游
舊雨相看半白頭
古剎參差環老樹
長虹屈曲抱清流
何妨載酒頻消夜
更望看花直到秋
曾見飛紅滿地否
莫教歡漸少於愁

賤辰前二日同人於牡丹花下小集稱觴率賦

每逢佳景興偏饒况復華筵敞碧寮昨日為賓旋作主

前一日余招同人小飲

名葩有魏並思姚

寺內祇有紫色牡丹

近依蓮座香

堪挹遙映螺峯翠可招笑口從來塵世少臨風莫惜酒盈瓢

夢裏依稀憶舊遊難將好事溯從頭任教目快兼心賞總似雲行與水流閒對新花思節序懶摩大樹感春秋一觴一咏幽情暢俯仰何須說四愁

別花贈友疊韻

匝月尋芳猶未了空餘雅興力難勝殘花過眼雖堪惜
倦馬嘶風已怯乘假館渾如投宿客疑神頗似在家僧
問予歌罷還歌否詎肯停杯謝未能

秦隴吳山憶昔遊頻搔白髮重回頭奇峯半向松梢現
活水多穿石罅流足跡誰如周萬里離情寧止隔三秋
細推物理須行樂此語堪消無限愁

春日同方問亭制府扈

蹕淀津回都後問亭賦詩見寄即和

平湖點綴勝名園樹密惟聞鳥雀喧山似峻嶒環寶塔

路疑屈曲入仙源

淀池內綴有西湖
雷峯花港各景

農桑原自饒真景

簾笠皆容近

至尊屢奉

綸音崇儉樸還應大吏各思存

廿年憑眺遠江樓
闢得栖霞景倍幽
此際津門忙裏過
恍如南國夢中遊
烟雲每幸同心賞
花柳何堪倦眼收
更笑年來清興減
無多印爪雪中留

恭和

御製遙亭行宮晚涼元韻

此地

鳴鑾歲歲經新秋又傍碧雲停
撩人嫩柳千行綠到眼
遙山萬點青多稼勝於花爛漫
流泉恍似玉玎玲納涼
不少

幾閒趣圖易思艱總未寧

恭和

御製兩間房行宮即景元韻

恰在濃陰古木間
數椽清淨接通闌
環村曲引溪中水
入戶平看屋裏山
只愛桑麻饒野趣
還容童叟近

天顏誰知午夜傳銀箭猶凜時幾未肯閒

恭和

御製至避暑山莊即事元韻

翠微歷歷聳烟鬟攬轡徐行過市闌
婦子千行瞻瑞日亭臺四面枕秋山
依然魚鳥遊

文囿寔有蓬瀛在世間
更愛黃雲盈繡野卷阿到處足
怡顏

恭和

御製處暑日雨元韻

月閏暑方長何以樂安處應候得涼颼吹來四山雨而
收暑已去暑去歸何所光陰不暫停靜觀如逆旅炎歊
曾幾時秋聲響林澣即景和

天章清風慚吉甫轉瞬露為霜乘時獵遠岵

恭和

御製題和闐玉應真觀泉圖元韻

恍著袈裟坐碧泉忽從火宅現青蓮微忝却悟真常義
靜證還同水月禪色相觀空隨位置化工返璞得完全
山莊仍足供

清玩寶瑟焦桐總自然

恭和

御製山心精舍元韻

向陽草木復何心亦似欣欣望

駕臨馴鹿穿林時上下游魚在藻任浮沉
山呈畫卷供清賞谿送泉聲叶

玉音恰喜羣峰羅四面幽深不覺晚涼侵

恭和

御製綠雲樓元韻

記得吳門景物紛登樓曾侍望春雲

吳門寒山亦
有綠雲樓

誰知

玉宇高千尺更較寒山勝十分螺髻青連

仙苑影虬枝翠滴古苔紋正逢百穀登場圃時有歌聲
上界聞

恭和

御製種塞花元韻

不似桃李花爭開滿繡野不似富貴花採摘常盈把托
根塞外山鑒賞皆無暇

聖人育物心培植隨高下移向

御園栽幽芳亦難捨時有好風吹亦被甘霖洒却笑看
花人祇愛知名者

恭和

御製泛月作歌元韻

自古青天有明月如弓如璧月月逢良霄共此清輝影
何必團圓定在秋之中中秋月色更清朗冰輪一片皎
皎浮天空塞外山莊如蓬島瓊樓玉宇堪清供茲來泛
舟明鏡裏仰瞻丹桂俯看金芙蓉有時暫被輕雲掩隱
現竹梢樹杪一倍增玲瓏吾

皇曾詠登高臺而待月此際長吟格調彌精工佇看遠
塞風高霜露冷其照臨也又在雕弓之影而隨
玉花之驄

題近山村贈春和主人

原是田畦菜圃閒隔年一見忽開顏竟從野外添佳景
遠近全如屋裏山

石畔新開一徑微結廬幽靜似林扉客來纔轉青莎岸
早見清泉幾道飛

萬重翠色映新晴結構皆由哲匠營一到湖心亭上望

岡巒倒影受分明

斜日招攜上小樓幾番欲去尚遲留老年也有看山癖
還擬偷閒結伴遊

春和主人屢招同遊近山村留戀忘歸再咏四首
招攜不厭數遨遊共濟慚稱李郭舟但把紅塵能隔斷
人間原有鳳麟洲

層層翠石接平臺引得清流繞砌迴不是同心耽野趣
幾番笑口為誰開

落盡紅蓮結小房風來殘葉有餘香秋光何處撩人甚

萬樹陰濃水一方

從來邱壑道難忘
吾愛吾廬亦樂鄉
却笑秋容殘老圃
還營小榭傍方塘

和 皇四子元韻寄都中諸同事

平泉何以克當諸小院
殘花足慰予別後懷人千里夢
秋來問病幾封書
門垂綠柳春相似
屏列青山畫不如
路隔蓬瀛繞數里
心安即是水雲居

邇來唱和竟藏諸
應有新詩一寄予
塞外重看弓影月
雲邊未見雁行書
怡情花柳原無定
到眼谿山亦自如

最是西成饒野趣紅塵可得似村居

雙有亭過訪口占漫贈即用懷都門友人韻

日日銜杯信有諸無閒怪底不思予看花獨對深秋雨
覓句時翻舊友書白髮心情仍自爾青山意興復何如

江南舊贈有亭詩有髣髴欺我頻添白螺髻迎君未了青句

漫云野寺西風冷得伴

仙翁勝索居

有亭借榻酒仙廟

邀申笏山光祿陸青來陳絙橋兩農部嚴東有舍

人寓齋小集率賦

紅橋近處早停鞭幾度同看月轉旋景物原難追綠野

遨遊底事羨飛仙樹將落葉聲先冷山帶斜陽色尚鮮
別後傳箋詩不斷才疎何以答諸賢

和陳勾山銀臺見寄韻

逾格

恩憐兩髻華雙輪竟許傍雲霞因賡

睿藻常簪筆為看青山亦駐車旅館懷人聽暮雨僧房

回首憶春花

春間曾遊德壽寺共賞牡丹

新詩寄到開絨處坐對西

窗月映紗

不為如流感歲華登臨處處是烟霞鳴泉每聽聲盈耳

新穀還看載滿車塞外秋風催白雁霜前令節近黃花
却因仙侶睽違久屢過書齋憶絳紗

祝方問亭制府七十壽

相看鬚髯盡皤然老去心知誼倍堅憶昔交情聯兩世
後余齒序僅三年籌添海屋秋初爽酒泛瑤尊月正圓
猶記賤辰勞致祝愧無好句答鴻篇

秉節曾經各一方幾人廿載老封疆空餘爪印留江左
那及棠陰滿

帝鄉鶴養遐齡仍健翮花看晚節倍生香堦前玉立翮

翻好白首齊看笑舉觴

寓齋再招雙有亭嵩輔堂小飲即用有亭山齋小
集韻兼以送別

老來風燭似殘缸剩有詩情未肯降塞外相招吟夜月

夢中猶記咏春江

三年前曾同有亭在江南唱和

園蔬贈我香盈口家

釀酬君綠滿缸也識飛鴻無定所空留指爪在山窻

山水奇觀願已酬招尋到處可停留十洲竟得三秋住

萬象還容一覽收駿馬嘶風辭我去黃花載酒共誰遊

同人時將進哨予留住熱河

林深夜靜霜天冷回首停雲相憶不

和慶雲溪觀射韻

盤髮白髮尚彎弓每見穿楊拜下風
百步高低操縱裏一生勝負笑談中
發而皆中原非力巧本無能敢自雄
若不反求先正已偶然弋獲未為工

和皇四子題雲溪畫山水元韻

平生最愛是烟鬟點筆飛來何處山
石畔松如天竺寺雲邊峯勝秣陵關
披圖頓覺生歡喜遊目疑曾數往還
佳景無人誰領畧好添白叟在中間

和皇四子重陽日自熱河赴中關即事元韻

夜半登程月影殘門前早見簇金鞍驅車先向長橋渡

回望揚鞭應更寒

是日子乘車先行

幾忘節序到重陽歷歷郵亭去路長不是登高清興減
為防吹帽曉風涼

濃霜點點濕征袍似覺秋風勝剪刀記得去年逢此日

萬峯影裡一題糕

去歲重陽駐張三營

曉日曛曛上遠山丹楓如錦照衰顏衝寒馬過塵飛處

雲外僧房尚掩關

恭和

御製題金廷標倣女史陳書畫冊疊畫中韻

古木修篁

鴛湖湖畔閨中畫妙筆重摹

御苑人一自品題標

睿藻烟含竹樹倍精神

襍果 楊梅枇杷桃

洞庭五月滿林甘黃紫堆盤色味叅更有仙桃新結子
花時猶憶絢春三

眠犬

拳毛帖尾意婆娑黃耳馬知吉夢多縱使山村無夜警
安眠可奈素餐何

蝴蝶鳳仙牡丹

名借花王態自奇交垂綠葉映紅絲翩翩蛺蝶尋芳遍
獨占春光最好時

怪石古柏

一峯蒼蘚映蕭森石有文章柏有心誰向靈根徵歲月
恰宜白髮共長吟

春溪水族

舊譜曾傳鯉逐蝦

宣和畫譜有劉宋羣鯉逐蝦圖

依然舞藻復銜花江

魚戲入當年筆留與家兒補白華

梅谿

高標祇合賞心孤照水明粧綻蕊珠彷彿斷橋風雪裏
向人微笑索詩逋

花籃

雅製何須七寶裝寒英恰稱綠筠芳不教搖落西風裏
一籠青絲聚衆香

絢春園接讀

皇四子寄懷之作依韻奉和

絢春愧比午橋莊

阿哥弄璋誌喜詩有轉瞬待看能學步相攜同拜午橋莊句

課讀

他年句莫忘

子曾和詩云萬壽生孫長壽兆他年課讀老年望

自昔傳經先孝

友漫云力學在文章枯枝常藉金枝暖瑤圃寧同老圃

荒

原唱有跡踈端為敵盧荒之句

不是知音頻索和新歌幾曲為誰將

讀 皇四子喜諸弟姪過問近作偶用元韻

又值時光近歲除數椽聊亦葺吾廬

時書室新成

年衰漸覺

詩篇少地遠應容禮法踈性愛看山惟展畫眼難撥霧

尚攤書傳聞斗室鄰蕭寺不識斯言信有諸

恭和

御製十二月十一日喜雪元韻

三雪欣占瑞，敷嘉琉璃世界。照恒沙柳前，早舞春朝絮。
梅後還拈臘，月花錦砌堆來光磊落。茅檐壓處，勢欹斜。
明晨豐澤園中望，膏壤先看玉茁芽。

恭和

御製重華宮集廷臣及內翰林等三清茶聯句復得詩
元韻

雀舌龍團掃雪烹，喜叨聯句侍西清。兩階久仰敷
文德，萬里旋看報。

武成瑞麥萌時原耐冷瓊華飛後正宜晴

御園指日春光滿佇向青郊動

旆旌

恭和

御製上元後一日小宴廷臣得詩二首元韻

行分鴛鴦影翩翩又上瑤階侍

御筵佳節正逢春旖旎層雲何礙月團圓花飛六出添
新瑞茶泛三清憶舊篇却愧蹒跚艱步履金鰲遙望彩
燈燃

寧祇臣工歌在蓂向陽草木亦欣欣風飄細霰還兼雨
春剩餘寒已帶煖預卜三時沾樂利旋看萬里淨烟雲
雨雪後一
日大晴惟期老健叨陪從喜起賡颺歲歲聞

恭和

御製春仲經筵元韻

時幾

寶訓勵臣工

講帷光含曙色紅學以日新彌廣大詣由

天縱愈崇隆風行寰海頻敷教雲淨巖山佇奏功一貫

心傳垂統緒執中絜矩萬方同

偶讀劉崇如擬古詩即用其韻漫成寄懷

開到梅花又幾枝白門風景豈忘之已非畫舫同遊日

前在江寧曾共吟
眺于不繫舟中

可有寒江入夢時老更無聞頻憶友

高彌寡和敢論詩

時見崇如何處生
春早詩不勝心折

輸君領畧閒中趣

數卷殘編酒一卮

登不繫舟望澄懷園舊址有感賦贈崇如仍用前

韻

池上垂楊遍綠枝舟仍不繫復何之雲來雲去原無意

花謝花開各有時景物三春招舊雨交情兩世入新詩
攝山雅會猶能記嵐影江光落酒卮

和 皇次孫見贈絢春園詩元韻

園接瀛洲水閒堪理釣綸扁舟原不繫老圃正逢春

前後

蒙

恩賜不
繫舟絢春園額

日近烟光紫陰濃柳色新催窻山是畫

席地草為茵花落飛紅雨池清點白蘋自能忘俗慮奚
必隔囂塵步月頻開徑編籬補種筠伊誰非過客暫許
作遊人憶舊成前夢尋芳趁吉辰從知佳興遠深荷
聖心仁珥筆隨

香案歸鞭繞玉津仰瞻

天濤麗何以答

楓宸

戊子午日錢香樹以東坡題郭熙秋山平遠圖詩
書篋頭見寄即用其韻漫成一首寄懷

林泉歲月何寬閒蕞公湖水環家山聞有荷花香數里
杖履常在烟雲間回首白門事非遠停車恰趁楓林晚
彩虹橋外紫峯高結伴扶筇登絕巘

庚辰秋先生奉
命遊棲霞山

別

來幾度易星霜南國音書盼夕陽久無新篇寄老友屏

障何以生輝光嗟予精力非當日勉作長歌懷鶴髮何處開緘讀我詩定倚青松坐白石

陪 皇子習射即事

御苑風薰午後天翩翩雁序喜隨肩吟哦纔聽聲盈耳較射旋看中接連

小板橋西曲水東穿楊恰在綠楊中白頭見獵心猶喜也自追陪勉執弓

正已前言不我欺此中得失寸心知誰云熟極能生巧要在從容審顧時

凡不如人應自反未能命中復何尤聊從射圃添佳話
負者先歌勝者酬

恭和

御製喜晴元韻

浙瀝聲稠夜嚮晨望晴又似望

恩新殘雲乍捲千山雨部屋同歡四野人

省歲豐亨頻有兆

愛民憂樂自相因西郊

眺覽添吟咏稼穡先知景倍真

和葛摺書寄懷

夙學真醇實可師百年聚散總難期雪中鴻影飛無定

屋裏山光看最宜

崑山即在城內

別後怕尋當日夢老來喜接

故人詩大觀古論籤題處示我周行正在茲

榕門相國曾贈古論

大觀皆摺書題籤

遍經滇粵與秦州蓮幕風規孰匹儔

摺書在榕門幕中年久深資贊助

益友由來推直諒鴻文豈獨擅風流兼歸泉石多清興
愧佐鹽梅乏遠猷回首南邦千里隔難將一箸藉前籌

題畫扇

誰家流水對柴扉有客攜琴入翠微可是杏花村外路
隔林早見酒帘飛

題山水畫扇

溶溶新漲碧於藍幾點遙山翠影含對此應多縈舊夢
箇中風景似江南

尋芳勝日不辭遙綠暗紅稠春意饒驢背定添詩句好
鞭絲徐引度平橋

孫補山典試西蜀詩以送之

最是關情弟與師臨行執手重相期人辭紅藥吟何處

路向青天問所之景物千山疑舊夢

予曾兩度入川

箴規幾字

入新詩寒窻回首無多日甘苦還須念在茲

漫云名勝數杭州西蜀竒觀亦寡儔險棧不從平地起
飛泉直向半天流浣花溪冷懷工部錦里祠荒拜武侯
好趁登臨秋月朗桂枝香裏錯觥籌

寄懷袁子才即用錄寄西園招飲韻

江天寄目海雲高鶴慣幽棲不可招畫舫同遊仍夢繞

旗亭回憶尚魂銷

予入都時子才送至清江浦

湖山避暑應攜酒詩

句懷人勝贈瑤

賜有新園君識否手栽桃柳又干霄

在金陵時子才曾贈詩云我與西園

柳蒙公種廿年自憐頭似雪不及樹參天

歲暮寒梅對雪看挑燈記數酒杯乾老來只覺三年速
與子才握別別久方知一見難對鏡自憐搔白髮看山
已及三年誰共倚紅闌花間鳥語天邊月多少心情寄筆端

送彭翰文少司馬歸里即用留別韻

春闈分校憶當年吳下英賢入化甄奕世掄元繩祖武
德門積慶本心田

翰文忠厚傳家祖孫會狀

手栽桃李花尤茂庭滿

芝蘭色更鮮身作九霄香案吏故枝誰得又回旋

年來老眼漸昏昏每待西清共笑言忽聽

恩綸宣北闕許歸故里訪南園

翰文居
傍南園

頭盈白髮偏懷

友雨歇遙山恰叩門不盡離情同悵悵斜陽片刻坐雲

根

時來絢春
園話別

絢春庭外列新槐促膝談深夙抱開別淚未揮神已黯
驪歌欲唱句難裁鶴棲遠渚無塵夢梅老空山豈散材
卅載師生分手去祇憑魚雁到蘇臺

岐路徘徊向落暉輕舟目送一帆歸到家幾處尋詩社
話舊同誰坐釣磯花徑香來知酒熟秋江風起羨魚肥

懸車應識

君恩重不似尋常鳥倦飛

恭和

御製遙亭行宮晚坐元韻

四野午風清停驂駐山館古樹影婆娑流泉水清淺
幾務不辭勞餘暇何消遣遠岫恰當窻圖書復
親展時凜無逸心終始惟念典

恭和

御製駐喀喇和屯元韻

又過灤陽憶舊城
閒雲散後遠峯明
登臨寓目山兼水
宵旰關心歛與耕
黃菊未開先向暖
甘霖已足正宜晴
來朝度嶺無多路
佇看和風動旆旌

恭和

御製夜遊山月作歌元韻

山莊歲歲月華明
看月

天懷皆偶寄最愛飛鏡懸晴空
夜遊矢音已三四間穿松徑待蟾光
短句長歌非一例
青山缺處吐清輝
忽掛

林梢忽石壁隨風素影自徘徊
夜色涵虛杳無際却看
幾點伴疎星豈有微雲能障翳
空明如水浸千峯容光
必照原無意到處秋來月總佳
況是蓬瀛清景萃

恭和

御製濬溪元韻

飛泉百道來入峽勢彌奮所喜漪瀾寬
所慮泥沙填激石易沿迴習坎難漸進
豁然快梳爬佇見洪濤迅風來
穀紋生月照清光印即此悟心源
修除功勿悵莫到淤塞時苟安不疏濬

恭和

御製下高峯至玉岑精舍元韻

蓬萊萬仞峯登陟原非易石迢幾曲盤飛雲繞

龍騎樂水與樂山知仁得趣味隨處見天機晴窗筆偶
試興來徧品題靜中有真意過眼即不留寓情毫無累
即此豫遊時

睿慮皆民事省歲在雨暘納稼念勞勩從容下玉岑夾
路松蒼翠如遇雁影來幾點青天宇

恭和

御製頤志堂元韻

宛似小江潯幽芳傍水尋閒雲橫遠黛斜日透疎林山
色兼松色蛩吟雜鳥吟憑欄供

眺覽因物總無心

恭和

御製千尺雪元韻

觀瀾喜正趁新晴活水源頭徹底清記得窓臨飛瀑響

侍臣緩步畫中行

臣蒙
山莊內千尺雪
恩得見

路入文研樹影環曾隨

翠葆到其間亭前峭壁高千尺憶對寒流雪滿山

南巡

時曾隨

駕進

寒山之千尺雪

恭和

御製阿里衮明德奏報滇省雨水秋成情形詩以述懷

用去年鄂寧奏二麥有收誌慰詩元韻

政必先足食然後能足兵緬夷未底定宵旰

聖心縈機宜詳指示洞鑒於未形不因地勢險早已致
蕩平餽糧費轉輸所資在稻秔大吏飛章來豐稔報西
成實如川方至福祉莫不增佇望凱歌旋萬方慶盈寧

恭和

御製敞晴齋元韻

築場時節最宜晴
應候韶光似有情
遠黛生雲山展畫
平波浸日水含晶
佇看楓葉勝春色
頻聽松濤和鳥聲
一望遙天知受敞
無邊景物幾回評

恭和

御製題含青齋元韻

恍似須彌入短櫺
應從芥子悟全形
看來樹色連天碧
收得巒光滿屋青
石畔尋幽聊泮魚
壁間題句盡箴銘

在林野鶴聲相應生佛拈花靜裏聽

予與慶雲溪今秋又留住熱河仍用去季直宿唱
和原韻又成一首

風高正值雁來賓德薄何緣又有鄰駿馬羣嘶山以外
白頭合住水之濱對花重賞中秋月攬轡同為畫裡身
更勵精勤供職守聊將餘興作詩人

皇四子將赴木蘭賦詩留別即和元韻

靄靄晴雲擁

上蘭鐺峯山外送行鞍黃花欲放秋容艷白雁初高塞

影寒每見馳驅心尚喜敢云眠食老宜安遙知駐馬戩
弓後定咏新詩興未闌

連枝氣味比芝蘭又喜聯鑣近

玉鞍亦落風飄紅葉曉雲深路繞碧峰寒三旬小別心
猶戀一榻閒眠夢不安問訊書箋頻寄否有人凝望獨
憑闌

諸同人小集

喜似同舟集木蘭

木蘭舟名恰逢有客歇征鞍是日王提軍自張三營回

傳來

天語彌加勉

時奉嚴查地方

旨

話到邊風尚帶寒白髮人多

團席坐秋容花淡小盆安愛添輪日開尊約漫負三旬

住上闌

對月口占時中秋後五日

月過青天亦似賓雲程萬里與誰鄰依然明鏡懸霄漢
又似彎弓浸水濱丹桂只看留半影素娥未肯現全身
更深露冷還同賞三十年来幾故人

和馮孟亭侍御寄懷原韻

卅年前記駐吳中老輩初逢大樹翁

戊申予巡撫蘇門時孟亭尊人樹臣

少司寇任同事當時方齒壯趨朝今日亦頭童舊遊烏

巷橋邊月遠夢駕湖壘上風好是故人遺笏在江東門

第有崔洪

持衡憶昔近星旄孟亭丙子秋曾見披沙午夜勞正好

聲聞傳柏府如何歲月戀蘅臯名家龍虎誰能比

聖世林泉未是高日下有人懸望眼飛帆早渡大江濤

文章流別妙逢原勝處湖山講席尊孟亭近為崇文書院山長便轉

風輪成佛祖還襄雲錦奪天孫芸編不著焚餘草花徑

應開埽後門聞說鄭箋真奧博直教崑體溯崑崙孟亭箋註

玉溪詩集持來字裏盡珠光
雒誦還知寄意長今昔論交原
道合祖孫結契更心藏
翔鴻遠隔千重岫
雛鳳欣依萬仞岡
桃李一門稱最盛
鯉庭多士又循牆
孟亭令嗣詒曾庚寅典試

北湖

祝託師健大冢宰八十壽

睿藻頒從

紫禁中衮衣拜荷

主恩隆班聯誰可稱
前輩矍鑠真堪羨
此翁自昔精神原似水
前在江南御賜公詩有精神秋水哉之句
于今顏色尚如童問年

我亦有隨列祝嘏歌成愧未工

數世論交氣味親舊時情愔久逾真同舟記泛三山月

瑤島欣為九老人

思旨令諸臣中年七十以上者明歲皆入九老

賀我添籌

丈尚在

余七十生辰師健曾以壽言相贈

知公自壽句彌新試看霜雪

兒頭滿

師健自壽舊作有霜雪上兒頭句

戲引諸孫綵舞頻

和嵇尚佐副憲除夕前一日過訪原韻

鳴騶喜過故人居恰值韶光逼歲除久別似睽千里外

論交回憶卅年餘忙中小集慚無酒病後枯腸那羨魚

盤有鮮魚子因病未食

片刻辭歸留不住飛來錦句意舒徐

用前韻贈鮮以謙秀才

漫向幽齋感索居，靜觀節序自乘除。
三年客況詩篇裏，千里鄉思枕夢餘。
守歲惟憑樽有酒，時正屆除夕作歌可嘆
食無魚與君剪燭論文夜，迎送頻隨杖履徐。

恭和

御製正月五日重華宮茶宴廷臣及內廷翰林等適新
題學堂用以聯句並成是什元韻

和風披拂正春陽，鴛鴦隨肩侍畫堂。
聯句重逢開御宴，學詩竊幸入詞場。
簫韶聽去音俱叶

睿藻頒來意更詳
志切賡颺慚珥筆
難從數仞仰
宮牆

豐亨真是好韶華
白髮年年季拜

寵嘉報稱無能徒
長齒恪恭匪懈只
閑邪盼飛瑞雪
皇心切開到江梅
春意奢正值
瑤池添壽日衢歌
歡動萬人家

上元前一日過

上書房謹依

御製重華宮賜宴韻賦贈諸位
皇子

御園無樹不朝陽
攜杖從容過講堂
喜見華燈重照眼
遙聞法部又登場
時以步履維艱蒙恩免直同樂園
鴻文漫闢新詩牋
精義應思

寶訓詳取譬為山
時覆簣問誰能到
及肩牆

緋桃取次競芳華
掩映青松色更嘉
履到春冰增戒謹
穿來石徑審平邪
希賢日進猶虞緩
汲古時勤莫厭奢
須識深宮同樂處
關心事事是農家

恭和

御製上元後一日小宴廷臣疊去山詩韻元韻

令節欣逢開

壽域華燈寶樹列堂簷遐荒人盡遵聲教大小臣俱守
法廉

寵宴恩敷天上露和羹味藉鼎中鹽
聯姻已愧躬難與
還許賡颺拙未嫌

精義都從

睿思探百番傳誦意仍貪柳絲綠待陽和滿池水融如
惠澤覃扶杖欣

頒新樣錦滌煩仰荷

上林柑却慚驚馬衰筋力不得追隨

翠葆南

時將啟
蹕東巡

病中過萃芳園看花賦贈慶雲溪護軍統領

帶病何辭過訪頻清池半畝可垂綸三春又作花間客
片刻同為畫裏身佳興自憐衰漸減淡交誰似久彌真
谿山繞屋紅塵遠難得年年舊主人

喜到芳園眺覽頻榮華漫說佐絲綸醉能題壁思當日
病怯登樓笑此身喬木經年還未死新花過眼總非真

朝回一枕南窗下全福如君更幾人

和嵇尚佐副憲問病原韻

風透疎櫺骨亦寒病魔未去夢難安花殘漸覺春光減

樹老仍沾瑞露團

荷蒙聖恩屢次遣使垂問

藥餌無功勞勸慰

時友

人皆勸服參苓

菜根有味佐盤餐

予近因病不能食葷惟淡蔬菜

只餘見獵心

還喜獨坐微吟到夜闌

東風日日送輕寒幸賴

殊恩體漸安舊樹暫棲因倦羽匡牀靜寄似蒲團傷春事不繁清夢伏枕心惟恥素餐聞報桃花開正好還期

鼓興一憑闌

陳榕門相國予告歸里蒙

恩賜詩以寵其行誠異數也余在病中聞之不勝欣感

因恭和

御製元韻卽以送別榕門

誰似懸車拜

賜頻臨行又復捧

恩綸春風鼓棹花迎客白髮歸鄉錦滿身眠食依然心

自樂

榕門雖亦在病中而眠食卽俱如舊

榮華到此袖纔真交情五十餘

年久卧病何堪送故人

承 皇四子詩來問病並囑遲往

御園依韻答謝

卧病年將近八旬幽窻一月遠紅塵枯腸每怯來詩卷
短夢偏多訪釣綸扶杖難行虛舊約拈花何處悟前身
芳菲漸減休惆悵最好怡情在暮春

尋芳阻我停遊履却為登臨力不支顧影無憐蘭蕙槁

時有盆蘭花葉已半枯謝不免有同病相憐之感

殿春猶幸牡丹遲擬巡繡隴

看新雨暫憇荒園拓小池

絢春園中池水漸淤擬加疏濬待得西郊行

有目定馳短札報先知